

## BESTELAKO XEDAPENAK

GOBERNANTZA PUBLIKO ETA AUTOGOBERNU SAILA

### 2341

*19/2021 EBAZPENA, apirilaren 9koa, Jaurlaritzaren Idazkaritzako eta Legebiltzarrarekiko Harremanetarako zuzendariarena, zeinaren bidez xedatzen baita argitaratzea gidatzean drogen presentzia detektatzeko listu-laginen analisiari buruz Euskal Autonomia Erkidegoko udalekin sinatu beharreko lankidetzeta-hitzarmenaren eredia.*

Gobernu Kontseiluak, 2021eko martxoaren 30ean egindako bilkuran, aipatutako hitzarmenaren eredia izenpetzea baimentzen duen Erabakia onartu du, eta, behar den publikotasuna emateko, honako hau

#### EBAZTEN DUT:

Artikulu bakarra.– Euskal Herriko Agintaritzaren Aldizkarian argitaratzea Euskal Autonomia Erkidegoko udalekin sinatu beharreko lankidetzeta-hitzarmenaren ereduaren testua, gidatzean drogen presentzia detektatzeko listu-laginen analisiari buruzkoa. Testu hori ebazpen honen eranskinean dago jasota.

Vitoria-Gasteiz, 2021eko apirilaren 9a.

Jaurlaritzaren Idazkaritzako eta Legebiltzarrarekiko Harremanetarako zuzendaria,  
JON IÑAKI URBINA GARCÍA DE VICUÑA.

2021eko apirilaren 23a, ostirala

ERANSKINA, JAURLARITZAREN IDAZKARITZAKO ETA LEGEBILTZARRAREKIKO  
HARREMANETARAKO ZUZENDARIAREN APIRILAREN 9KO 19/2021 EBAZPENARENA

LANKIDETZA-HITZARMENAREN EREDUA, EUSKAL AUTONOMIA ERKIDEGOKO  
ADMINISTRAZIOAK, SEGURTASUN SAILAREN BIDEZ, ETA EUSKAL AUTONOMIA ERKIDEGOKO  
UDALEK SINATU BEHARREKOA, EUSKAL AUTONOMIA ERKIDEGOKO UDALTZAINGOEN  
LORTUTAKO LISTU-LAGINEN ANALISIAN JARDUTEKO JARRAIBIDE UNIFORMEAK EZARTZEKO  
ETA, HORRELA, IBILGAILUAK GIDATZEAN DROGARIK DAGOEN EGIAZTATZEKO.

.....(e)n, 20.....(e)ko.....ren.....(e)(a)n.

## BILDU DIRA:

Alde batetik, Jesús María Zubiaga Nieva jauna, Eusko Jaurlaritzako Segurtasuneko sailburuordea, Euskal Autonomia Erkidegoaren ordezkari gisa (aurrerantzean, EAE).

Bestetik,..... jauna/andrea.....ko Udaleko alkatea, Udalaren ordezkari gisa.

Bi alderdiek, dagozkien karguen bidez eta eman dieten ahalmenak erabiliz, hitzarmen hau gauzatzeko legitimitasun eta gaitasun nahikoak aitortzen dizkiote elkarri eta, horretarako,

## HAU ADIERAZTEN DUTE:

I.– Bi administrazioak jakitun direla drogen eraginpean gidatzea gizarte-arazo bat dela, eta, horri aurre egiteko, gertakari horren aurkako borrokan eskumenak dituzten administrazioen arteko koordinazio eta lankidetzako antolakuntza-moduak beharrezkoak direla.

Era berean, Euskadiko Segurtasun Publikoaren Sistemak Ertzaintzaren eta udaltzaingoaren arteko lankidetzak eta koordinazio-mekanismo bateratuak behar ditu, polizia-kidego guztien baliabide operatiboak optimizatzeko.

II.– 6/2015 Legegintzako Errege Dekretuak, urriaren 30ekoak, Trafikoari, Ibilgailu Motordunen Zirkulazioari eta Bide Segurtasunari buruzko Legearen testu bategina onartzen duenak, ezartzen du organismoan drogak detektatzeko proba listu-proba bat izango dela, gailu baimendu baten bidez, eta, ondoren, listu-lagin baten analisia, behar besteko kopuruan. Praktikan, drogak listuan detektatzeko gailu horiek seguruak dira juridikoki, ez dira oso intrusiboak gidarientzat eta bideragarriak dira poliziaren ikuspegitik.

III.– Udal sinatzailearen Udaltzaingoak ez du baliabide tekniko propiorik gidatzean drogen analisia egiteko beharrezkoak diren polizia zientifikoko eta peritutzako lanak egiteko, eta Ertzaintzaren Polizia Zientifikoaren Burutzak horretarako behar diren azpiegiturak dituzenez, bi alderdiek egokitzen jotzen dute horiek erabiltzea goian aipatutako Legean aurreikusitako listu-proban lortutako laginak aztertzeke.

IV.– Segurtasun Sailaren eta EAEko udalen arteko lankidetzak, goian aipatutako polizia zientifikoko eta peritutzako lanei dagokienez, Gobernu Kontseiluak 2015eko urtarrilaren 20an baimendutako ereduaren araberrako hitzarmena sinatuz garatu da orain arte, eta beharrezkoa da eredu hori indarrean dagoen araudira egokitzea, lankidetzarekin jarraitzeko.

Horregatik guztiagatik, bi alderdiek hitzarmen hau sinatzea erabaki dute, eta hauek izango dira

## ESTIPULAZIOAK

Lehenengoa.– Hitzarmenaren xedea.

Lankidetzeta-hitzarmen honen xedea da esku hartzen duten administrazioei atxikitako polizia-kidegoek jarraitu beharreko jarraibide uniformeak ezartzea, Ertzaintzako Polizia Zientifikoaren Burutzak udal sinatzailearen Udaltzaingoak lortutako listu-laginen analisiak egin ditzan, ibilgailu-gidariek edo bidearen beste erabiltzaile batzuek trafiko-istripua edo arau-hauste bat egin dutenak, Trafikoari, Ibilgailu Motordunen Zirkulazioari eta Segurtasunari buruzko Legean tipifikatutakoaren arabera.

Bigarrena.– Detekta daitezkeen substantzien multzoa.

Hona hemen zer substantzia hauteman daitezkeen Eusko Jaurlaritzako Segurtasun Sailaren laborategietan listu-probaren bidez:

Opiazeoak (monoazetilmorfina, morfina, kodeina).

Kokaina (kokaina, benzoilekgonina, kokaetilenoa).

Anfetamina (anfetamina, metanfetamina, MDA (3,4-metilendioxianfetamina), MDMA (3,4-metilendioximetanfetamina), MDEA (3,4-metilendioxietilanfetamina), 4-Metilanfetamina, PMA eta PMMA.

Tetrahidrocannabinola (THC).

Ketamina.

Emaitza positiboa baieztatzeko, masen espektrometriari atxikitako likidoen kromatografia (LK - ME) baliatzen da.

Hirugarrena.– jarduteko jarraibideak.

1.– Listu-laginak emateko baldintzak.

Hitzarmen hau sinatzen duen Udaltzaingoak bere eskualdeko Ertzaintzaren polizia-etxera eramango ditu probak; azken horiek ahal dela izoztuta edo, bestela, hoztuta eta behar bezala zainduta egon beharko dute une oro, Polizia Zientifikoari bidaltzeko. Proba horien artean egon beharko dira kontrasterako listu-lagina ez ezik dagokion pertsonari egindako proban baliatutako hasierako testaren osagai guztiak ere, proben poltsa edo ontziaren barruan.

Frogak Udaltzaingoaren bulegoetan gordeko dira, eta uneoro bermatuko da zaintza-katea, harik eta Udaltzaingoa kokatuta dagoen mugapeko ertzain-etxean entregatu arte. Gehienez 72 orduko epean entregatuko dira ertzain-etxe horretan, lortu zirenetik zenbatzen hasita.

Zaintza-katea behar bezala bete dela jasota gera dadin, emate-agiri bat bete beharko da, Hitzarmen honen eranskinean ageri den ereduaren arabera.

Behar bezala identifikatu beharko dira, beti ere, bai probak eramaten dituen Udaltzaingoko agentea eta bai horiek jasotzen dituen ertzain-etxeko agentea ere, horien lanbide-txartelaren zenbakia emanez.

Agiri horren bi kopia sinatu beharko dira, esku hartzen duten polizia-kidego bakoitzarentzat bana; gainera, ematearen ziurtagiritzat ere balioko dute.

Ertzain-etxeak Polizia Zientifikoren Burutzara igorriko ditu jasotako probak, dagokion analisia eta, ondoren, adituen txostena egin ditzan.

## 2.– Bete beharreko agiriak.

Analizatu beharreko laginekin batera aurkeztuko diren agirietan informazio hau jaso beharko da:

Eskaera atestatu ireki bati dagokion, edo ireki beharreko bati; azken kasu horretan, hildakorik edota zauriturik (arinak zein larriak) egon den adierazi beharko da.

Eskaeraren jatorria prebentzio-kontrol bat izan den, edo trafiko-istripua, edo trafiko-arloko indarreko araudiaren urraketaren bat.

Listu-lagina hartu zaion pertsonaren balizko zitazioa, epaiketa azkarreko zigor-prozeduraren bidez auzipetzeko, zitazioaren data adierazita, hala badagokio.

Lehen listu-analisan aurkitutako zantzuzko substantziak, baieztatu beharrekoak.

Zantzuzko listu-testaren lote-zenbakia eta iraungitze-data.

## 3.– Analisia egiteko eta adituaren txostenaren emaitza jakinarazteko epea.

Analisia egin eta dagokion adituaren txostena idatzi ondoren, Ertzaintzako Polizia Zientifikoaren Burutzak eskualdeko ertzain-etxearen bidez helaraziko dio Udaltzaingoari, hiru hilabeteko epean, gehienez ere, ematea gauzatu zenetik.

Adituen txostenean ondoko datu hauek agertu behar dira:

- Azterketaren emaitzak.
- Txostenaren erreferentzia.
- Udaltzaingo instrukzio-egilearen izendapena eta diligentziak.

Laugarrena.– Aldeen betebeharrak.

Ertzaintzaren Polizia Zientifikoko Burutzak udaltzaingoak emandako laginak jasoko ditu aurreko klausulan ezarritako prozeduraren arabera, eta ,horien analisia egin ondoren, dagokion adituen txostena gauzatu du.

Hitzarmen hau sinatzen duen udalak bere gain hartuko du ibilgailu-gidarien edo bidearen beste erabiltzaile batzuen (trafiko-istripua edo arau-hauste bat egin dutenak, Trafikoari, Ibilgailu Motordunen Zirkulazioari eta Segurtasunari buruzko Legean tipifikatutakoaren arabera) organismoan drogak daudela baieztatzeke probaren kostu ekonomikoa, jarduketa horiek eragindako langile-kostuak izan ezik, horiek Segurtasun Sailak beren gain hartu beharko baititu.

Horrez gain, Hitzarmen hau sinatzen duen udaleko udaltzaingoak konpromisoa hartzen du hilean behin drogen eraginpean gidatzearekin lotutako atestatuei buruzko datu estatistikoak bidaltzeko Eusko Jaurlaritzaren Trafiko Zuzendaritzara, baita udalean jartzen diren administrazio-zehapenei buruzkoak ere, trafiko-arloko indarreko araudiak ezarritakoaren arabera, eta Eusko Jaurlaritzaren Segurtasun Sailak zehaztuko duen bidea erabilita.

Bosgarrena.– Jarraipen-batzordea.

Hitzarmena behar bezala betetzen dela zaintzeko, Jarraipen Batzorde Tekniko bat eratuko da. Bi kidek osatuko dute; bata Segurtasun Sailaren ordezkaria, eta, bestea, Udalarena. Segurtasun Saileko ordezkaria izango da batzordeko presidentea.

Batzorde horren zereginak hauek dira: hitzarmena interpretatzean sor daitezkeen zalantzak argitzea, betearaztean eragin daitezkeen desadostasunak konpontzea, hitzarmenaren urratsak aztertzea eta, beharrezkoa izanez gero, hori hobetzeko proposamenak egitea.

Batzordea urtean behin bilduko da, gutxienez, eta aldeetako batek horrela eskatzen duenean, eta adostasunez hartu beharko dituzte erabakiak.

Seigarrena.– Hitzarmena aldatzea.

Lankidetzeta-hitzarmen hau indarrean dagoen bitartean alda daiteke, bi aldeek hala erabakiz gero, eta erabaki berriak gehigarri gisa gehituko dizkiote dokumentu honi.

Zazpigarrena.– Hitzarmenaren araubidea eta auzigaiak.

Hitzarmen hau administrazio arlokoa da, eta, beraz, interpretatu eta garatzeko administrazio publikoen arteko lankidetzeta-hitzarmenei aplikatu beharreko administrazio-araubidea bete beharko da.

Bosgarren estipulazioan aurreikusitako Jarraipen Batzordeari emandako zereginak alde batera utzi gabe, hitzarmen hau garatu eta gauzatu bitartean, sor daitezkeen auzigaiak administrazioarekiko auzien jurisdikzioaren pean jarriko dira.

Zortzigarrena.– Indarraldia eta amaiera.

Honako hitzarmen honen indarraldia lau urtekoa da, sinatzen den egunetik bertatik kontatzen hasita. Epe hori amaitu aurretik, sinatzaileek edozein unetan hitzartu ahalko dute epea luzatzea edo azkentzea. Luzapena aho batez erabaki behar dute eta gehienez ere beste lau urterako izango da. Dena den, sinatzaileek hitzarmena azkentzea erabaki ahal izango dute aho batez.

Luzapen-akordioan, halaber, listu-laginak hartu zaizkien pertsonen organismoan drogak baieztatzeko probaren kostu ekonomikoaren eguneratzea jasoko da.

Lankidetzeta-hitzarmen hau irakurri ondoren, bertan esandakoarekin bat datozela adierazteko, aldeek bina kopia sinatu dituzte, testuaren idazpuruan aipatutako tokian eta egunean, eta ezarritako estipulazioekin bat.

Segurtasuneko sailburuordea

.....ko udaleko alkatea

Jesús María Zubiaga Nieva

.....

2021eko apirilaren 23a, ostirala

## HITZARMENAREN ERANSKINA

## EMATE-AKTA

.....(E)KO UDALTZAINGOA

Listu-lagina 20.....(e)ko.....aren.....(e)(a)n hartu zen.

Listu-proba egin duten agenteen lanbide-zenbakia:.....

Sinatu eta zigilatu duen buruzagitzaren zenbakia:.....

Zaintza-tokia, bidali arte:.....

Garraiatu eta entregatu duten agenteen lanbide-zenbakia:.....

Sinadura:.....(e)ko buruzagitza.

## ERTZAINZA

Jaso duen unitatea:.....

Jaso duen agentearen zenbakia:.....

Jasotze-data:..... Ordua:.....

Zaintza-tokia:.....

.....(e)ko Ertzain-Etxeko Instrukzio-buruaren sinadura: